

Tabuti s posmrtnim ostacima Bošnjaka stigli u Potočare

09/07/2011 20:16 by Administrator

Konvoj sa posmrtnim ostacima 613 identifikovanih Bošnjaka stigao je danas u Potočare, gdje će biti ukopani 11. jula u Memorijalnom centru.

Kovčezima će biti smješteni u bivšu Fabriku akumulatora, odakle će sutra uveče biti prenijeti u Memorijalni centar gdje su pripremljene rake za ukop, koji će, uz vjerski obred, biti obavljen na dan obilježavanja 16. godišnjice stradanja Srebrenice. Iz Organizacionog odbora za obilježavanje godišnjice stradanja Bošnjaka navode da je riječ o posmrtnim ostacima identifikovanih Bošnjaka iz Srebrenice i još nekoliko općina u BiH nastradalih u julu 1995. godine.

U Memorijalnom centru do sada je pokopano 5.137 posmrtnih ostataka Srebrenice, među kojima i nekoliko desetina poginulih u ratnim sukobima prije jula 1995. godine.

U kamioni sa tijelima nastradalih krenuli su jutros iz kruga gradskih grobalja u Visokom. Na putu prema Sarajevu kolona sa posmrtnim ostacima Bošnjaka zastala je u Vogošći, a potom i u Sarajevu, na glavnoj gradskoj saobraćajnici ispred zgrade Predsjedništva BiH i pijace Markale. Ispratio konvoja u Sarajevu, između ostalih, prisustvovao je i član Predsjedništva BiH Bakir Izetbegović i ambasador SAD-a u BiH Patrik Mun. Na komemoraciji u Potočarima 11. jula predviđeno je da govore visoki predstavnici u BiH Valentin Incko, američki ambasador Patrik Mun, predsjednik Hrvatske Ivo Josipović, bošnjački član Predsjedništva BiH Bakir Izetbegović, ministar bezbjednosti BiH Sadik Ahmetović i zamjenik načelnika srebreničke općine Ramiz Duraković. Komemoracija će početi u 11 časova, a potom je predviđeno obraćanje zvaničnika i ukop identifikovanih nastradalih Bošnjaka. Skup u Potočarima, kao i prethodnih godina, obezbjevaće Policija Republike Srpske u saradnji sa ostalim bezbjednosnim strukturama u BiH.

Izvor vijesti: Nezavisne